

PROGRAMA RIBEIRA CONCILIA - NADAL 2025/26

O programa de conciliación celébrase dende hai anos como unha programación estable adquirindo grande demanda e satisfacción cidadá. Nesta ocasión, é de interese da área dos Servizos Sociais Comunitarios impulsar o programa de conciliación durante as vacacións do Nadal 2025-26, coincidindo coas datas das vacacións escolares, de luns a venres –excepto festivos- de 08:30 a 14:30 horas e destinados a nenos e nenas de 3 anos (escolarizados) a 10 anos co obxectivo de que os máis novos pasen unhas vacacións de ocio e divertimento, aprendendo contidos de todo tipo e en ámbitos relacionados coa cultura, igualdade, o medio ambiente ou as novas tecnoloxías...

Co fin de poder abrir un **período de preinscrición** para esta actividade, propónse a publicación dunha **normativa de admisión** así como do **prezo público** de matrícula que deberán aboar os participantes – a través da modalidade de autoliquidación- unha vez confirmada a súa reserva de praza correspondente, no período que se estableza e achegando a documentación requirida.

E polo tanto establécense os seguintes prezos e modalidades de matrícula pola asistencia a dita actividade:

PROGRAMA DE ACTIVIDADES MUNICIPAIS PARA A CONCILIACIÓN FAMILIAR NO NADAL 2025-26:

Prezo de matrícula: 40 €

Interesados en contribuír na diminución do esforzo que pode representar para familias en situación de vulnerabilidade ou circunstancias especiais, e co fin de facilitar a participación dos nenos e nenas nesta actividade, **proponse a aplicación dun desconto do 20% sobre o importe de matrícula aos fillos/as das familias que reúnan algunha das seguintes condicións ou circunstancias, e así o acrediten previamente mediante a aportación dos documentos pertinentes (non será acumulativo no caso de darse máis dunha circunstancia):**

- Familias que teñan o *TÍTULO DE FAMILIA NUMEROSA*.
- Familias *monoparentais* que o acrediten documentalmente co certificado oficial.
- Familias *refuxiadas*.
- Familias *víctimas de violencia de xénero en calquera das súas formas*.
- Familias con dous ou máis inscritos/as nesta actividade: o desconto aplicaríase na matrícula do segundo fillo/a e sucesivos.
- Familias nas que, ao menos, un dos seus membros sexa *DESEMPREGADO/A DE LONGA DURACIÓN* (que teñan acreditado un período de inscrición ininterrompido como desempregados/as na oficina de emprego de 180 días se fosen menores de 25 anos ou de 45 ou máis anos de idade, e de 365 días se fosen maiores de 25 e menores de 45 anos de idade, debendo presentar *vida laboral e/ou certificado de períodos de inscrición na Oficina de Emprego*).
- Familias nas que o propio participante acredite unha DISCAPACIDADE DE AO MENOS O 33% (acreditando tal condición co certificado de discapacidade).
- Familias nas que existan outras cargas relacionadas cos coidados.

Na mesma liña propónse **a reserva do 10% das prazas (bonificación 100% taxas) para emerxencia social**, estando estes participantes exentos do pago da matrícula correspondente. Estes participantes deberán derivarse dende a área dos Servizos Sociais Comunitarios do Concello de Ribeira a través dun informe ou relación detallada elaborada polos profesionais do departamento.

NORMATIVA DE ADMISIÓN E CARACTERÍSTICAS: PRAZAS, DATAS, LUGAR.

Período: do 22 ao 31 de decembro de 2025 e do 2 ao 7 de xaneiro de 2026.

Número de prazas: 75 participantes.

Destinatarios: Nenas e nenos nados de 2013 a 2022 - escolarizados e sen cueiro-.

Lugar de celebración: CONSERVATORIO MUNICIPAL DE MÚSICA “ENRIQUE PAISAL”.

O horario: de 08:30 h. a 14:30 h.

Admisión de participantes con diversidade funcional:

As persoas que teñan unha discapacidade igual ou superior ao 33% poderán participar nesta convocatoria cumprindo os seguintes requisitos:

- Acreditación ou documentación necesaria no caso de que o menor teña necesidades específicas de apoio educativo e/ou discapacidade. Facer constar a súa condición no impreso de solicitude, co fin de planificar os apoios persoais necesarios, se os precisara.

PRAZOS E FORMA DE PRESENTACIÓN DE SOLICITUDES:

Ábrese un **prazo de prescrición do 24 de novembro ao 12 de decembro de 2025** período no que poderán anotarse todas as persoas interesadas que cumpran os requisitos establecidos cubrindo os anexos de inscrición xunto coa documentación obrigatoria correspondente.

As solicitudes faranse a través do Rexistro Xeral do Concello de Ribeira. Deberase realizar un rexistro por cada participante a inscribir aos efectos de que cada un deles dispoña do seu correspondente nº de solicitude:

- De maneira presencial no DEPARTAMENTO DE SERVIZOS SOCIAIS COMUNITARIOS ou na OFICINA DE ATENCIÓN CIDADÁ DO CONCELLO (atención ao público de 9.00 h. a 14.00 h.) presentando a **ficha de inscrición cuberta (Anexo I)**, **folia de autorización (Anexo II)**, copia do **DNI do participante e do pai/nai/titor e demais documentación esixida**.
- De forma telemática (necesario certificado dixital) a partir das 9:00 h do primeiro día de prazo. a través da web www.ribeira.gal no seguinte apartado – **SEDE ELECTRÓNICA-TRÁMITES DESTACADOS – SOLICITUDE XENÉRICA**. Deberase tramitar a solicitude de carácter xeral e axuntar a ese procedemento a **ficha de inscrición cuberta, folia de autorización asinada, copia do DNI do participante e da nai/pai/titor e demais documentación esixida**.

Documentación OBRIGATORIA necesaria para a realizar a solicitude:

- Ficha de inscrición debidamente cuberta (**Anexo I**)
- Autorización de participación debidamente cuberta (**Anexo II**).
- DNI ou folia do libro de familia correspondente ao participante.
- DNI do pai/nai/titor responsable.
- Certificado de empresa (si corresponde, de cada proxenitor) para ter en conta o criterio da prioridade na admisión (se non se presenta acompañando á solicitude en prazo non se terá en conta e non poderá ser emendado cara ao criterio de prioridade na admisión).
- Se ten dereito a bonificación do prezo da matrícula deberá presentar ademais copia da documentación acreditativa: título de familia numerosa, certificación de familia acolledora, certificación de discapacidade, certificación de monoparentalidade, acreditación de desemprego de longa duración, sentenza de violencia de xénero, etc.

LISTAXES DE ADMISIÓN E AGARDA:

As **listaxes de admisión, agarda e vacantes publicaranse o 15 de decembro**. As listaxes publicaranse na páxina web do Concello de Ribeira, www.ribeira.gal. Tendo en conta a protección de datos de carácter persoal, na lista publicárase o nº de rexistro de entrada da solicitude.

Os requisitos de prioridade para a participación, en caso de superar as prazas ofertadas, serán os seguintes por orde de prelación:

- Persoas empadroadas no municipio de Ribeira.
- Familias monoparentais nas que traballe o proxenitor.
- Familias nas que traballen os dous proxenitores.
- Familias nas que traballe un dos proxenitores.
- Por rigorosa orde de inscrición segundo o número do Rexistro.
- Empadroados noutro municipio.

Se quedasen solicitudes en agarda iranse cubrindo as baixas por orde de inscrición segundo a listaxe de espera. Nestes casos o departamento de Servizos Sociais contactará previamente co solicitante para comunicarlle dita circunstancia e confirmar o seu interese por participar na actividade.

Se quedasen prazas vacantes dispoñibles, poderanse facer novas inscricións dos xeitos anteriormente citados nos prazos a determinar pola Concellería de Servizos Sociais, sendo cubertas as vacantes por rigorosa orde de solicitude.

PAZOS E FORMAS DE PAGO:

As persoas que aparezan como admitidas na listaxe deberán realizar o pagamento do importe correspondente (con ou sen bonificación) mediante autoliquidación **do 15 ao 19 de decembro**. Aqueles participantes admitidos que non realicen o pago neses prazos non poderán asistir á actividade e serán dados de baixa en beneficio da listaxe de agarda.

***INSTRUCCIÓN DE REALIZACIÓN DE PAGO:** Entrar na web municipal www.ribeira.gal, no apartado **SEDE ELECTRÓNICA-TRÁMITES DESCATADOS - AUTOLIQUIDACIÓN**, e cubrir os datos que se requiren para o **“TRIBUTO: PREZO PÚBLICO ACTIVIDADES CULTURAIS”** seleccionando no apartado datos de cálculo: **Tipo de actividade: opción do campamento correspondente – meses inscritos – bonificación: si ou non**”. O pago poderá facerse directamente a través da opción **PAGAR ONLINE** ou **IMPRIMIR RECIBO** e realizalo na sucursal bancaria ou no seu caixeiro. Importante: antes de realizar o pago deberase verificar que o importe que se amosa na pantalla corresponde co da modalidade de campamento escollida.

Unha vez realizado o pagamento deberase entregar a xustificante do mesmo no **DEPARTAMENTO DE SERVIZOS SOCIAIS COMUNITARIOS** antes do día 19 de decembro; será requisito indispensable para o acceso e participación na actividade.